



## XALQ DEPUTATLARI BALIQCHI TUMAN KENGASHI QARORI

2024 - yil 31 - yanvar

VI-42-8-1-18-K/24

Baliqchi tumani hokimligi

### **Baliqchi tumani hududida 2023 yil yakuni bo'yicha tuman hududida jinoyat va huquqbuzarliklarni oldini olish va ularning profilkatikasi hamda 3-sektor hududida amalga oshirilgan ishlari yuzasidan tuman IIB boshlig'i I.D.M.Tojiboevning hisoboti to'g'risida**

Baliqchi Baliqchi tumani xududida 2023 yilning o'tgan 12 oyida jami 335 ta jinoyat qayd etilib, (2022 yil 276 ta), o'tgan yilning shu davriga nisbatan 59 taga yoki 21,4 foizga ortgan. (335 ta jinoyatlarning 220 tasi xisobot yilida sodir etilgan, 115 tasi o'tgan yillarda sodir etilgan)

Shundan;

- og'ir va o'ta og'ir jinoyatlar 26 taga (57-83) 45,6 %,
- qastdan og'ir shikast yetkazish 2 taga (3-5) 66,7 %,
- o'zlashtirish, rastrata yo'li bilan talon-taroj qilish 8 taga (18-26) 44,4 %,
- firibgarlik 11 taga (34-45) 32,4%,
- guruxlar jinoyati 12 taga (40-52) 30%,
- ayollar jinoyati 2 taga (41-43) 4,9%,
- yoshlar jinoyati 8 taga (99-107) 8,1%,
- jinoyatda ishtirok etgan shaxslar 46 taga (244-290) 18,9 % ortib ketishiga yo'l qo'yilgan.

Xisobga olingan 335 ta jinoyatlarning 179 tasi oldini olish mumkin bo'lgan jinoyatlar, 156 tasi aniqlanadigan jinoyatlarni tashkil qilgan.

Oldini olish mumkin bo'lgan 179 ta jinoyatlarning 150 tasi xisobot yilida sodir etilib, tumandagi 10 ta maxalla qizil toifaga tushgan, xususan;

1-sektor hududida 4 ta;

-Daryo bo'yi MFY 3 ta; JK 105-modda, 109-modda, 140-modda. (PI X.Alijonov)

-Mallachek MFY 10 ta jinoyat xisobga olingan shundan 3 tasi maxalla jinoyatlari, JK 109-modda, 140-modda, 276-modda. (PI I.G'aniev)

-Yuzchinor MFY 4 ta jinoyat xisobga olingan shundan 2 tasi maxalla jinoyatlari, JK 109m 2 ta (PI M.G'ofurov)

-Yangixayot MFY 6 ta jinoyat xisobga olingan, shundan 3 tasi maxalla jinoyatlari, JK 105m 1 ta, 109-modda 2 ta. (PI B.Usmonov)

2-sektor hududida 1 ta;

-Yurtobod MFY 9 ta jinoyat xisobga olingan shundan 4 tasi maxalla jinoyatlari, JK 97m 1q, 118 m 3q, 136m, 169m (PI I.Ergashev)

3-sektor hududida 4 ta;

-Avesto MFY 25 ta jinoyat xisobga olingan shundan 3 tasi maxalla jinoyatlari, JK 109m 2q, 139 m 3q, 169m, (PI E.Raxmonov)

-Markaz MFY 36 ta jinoyat xisobga olingan shundan 8 tasi maxalla jinoyatlari, JK 105m, 109m 2 ta, 140m, 169m 4 ta (PI B.Raximov)

-Oqqo'rg'on MFY 12 ta jinoyat xisobga olingan shundan 5 tasi maxalla jinoyatlari, JK 109 m, 169-modda 3 ta, 219m (PI A.Xaydarov)

-Eskimarkaz MFY 14 ta jinoyat xisobga olingan shundan 3 tasi maxalla jinoyatlari, JK 109, 169, 277-moddalar (PkI O.Yo'ldoshev)

4-sektor hududida 1 ta;

-Farovon MFY 8 ta jinoyat xisobga olingan shundan 3 tasi maxalla jinoyatlari, JK 105m, 169m 2 ta (PI A.Ergashev)

Tumandagi 66 ta mahallaning 38 tasi yoki 57.5 foizi jinoyatdan holi hudud ya'ni "yashil" toifadagi mahallalar toifisiga kirilgan bo'lsa, 18 tasi 27.2 foizi sariq toifaga, qolgan 10 ta 15.1 foiz mahalla jinoyatchilik ko'rsatkichlari

yuqori bo'lgan "qizil" toifadagi mahallalar ro'yxatiga kiritilgan.

2023 yil davomida amalga oshirilgan ishlar!!!

- 357 ta ko'chalarning 121 tasiga (33.8 %) kuzatuv kameralari o'rnatilgan, hozirda 236 ta ko'chalarga o'rnatish choralari ko'rilmogda;

- qizil toifaga kiritilgan 10 ta MFYlarda 58 ta hamda og'ir yoki o'ta og'ir jinoyatlar sodir etilgan 5 ta MFYlarda 41 ta qo'shimcha kuzatuv kameralari o'rnatildi;

- 665 ta (1094 nafar shaxs) ma'muriy materiallar hamda 77 ta (89 nafar shaxs) jinoyat ishlari sayyor sud majlisida ko'rib chiqildi, 224 nafar shaxslar ma'muriy qamoqqa olindi ;

- 11 nafar bemaksad yurgan voyaga yetmaganlar viloyat IIB VEIYoKMga joylashtirildi;

- Jinoyat va huquqbuzarlik sodir etgan 2555 nafar shaxslar profilaktik xisobga olingan, 2259 nafar shaxslar xisobdan chikarilgan;

- ma'muriy nazorat cheklovlarni buzgan 5 nafar sudlangan shaxslar MjtKning 206-moddasi bilan ma'muriy javobgarlikka, bir yil davomida takroran ma'muriy nazorat qoidalarini buzgan 1 nafar shaxsga nisbatan JKning 226-moddasi bilan jinoyat ishi qo'zg'atildi.

- 9958 nafar xuquqbuzarga nisbatan ma'muriy bayonnoma tuzildi, shundan 677 tasi farzand tarbiyasiga befarq ota onalar, 178 tasi mayda bezorilik, 149 tasi tig'li predmedlar olib yurish, 1601 tasi jamoat joyida spirtli ichimliklar iste'mol qilish, 101 tasi qimor o'ynash.

- ma'muriy huquqbuzarlarning 224 tasi mamuriy qamoq, 135 tasi ogoxlantirish, 8632 tasi jarima tayinlangan.

O'zbekiston Respublikasi Prezidentining 2017 yil 18 apreldagi PQ-2896-sonli qaroriga muvofiq Ichki ishlar organlari tayanch punktlari profilaktika (katta) inspektorlarining hisobotini fuqarolar yig'inlarida eshitish tartibi to'g'risidagi O'zbekiston Respublikasi ichki ishlar vazirining 2017 yil 6 sentyabrdagi 193-sonli Profilaktika (katta) inspektorlari o'zlariga birlashtirilgan ma'muriy hudud bo'yicha tegishli fuqarolar yig'inlarida har oy yakuni bo'yicha hisobot berishi tashkillashtirildi.

O'zbekiston Respublikasi Prezidentini 2017 yil 14 mart kungi № 2833-

sonli «Huquqbuzarliklar profilaktikasi va jinoyatchilikka qarshi kurashish tizimini yanada takomillashtirish chora-tadbirlari to'g'risi»da Qaroriga asosan Xaftaning har payshanba kuni «Huquqbuzarliklar profilaktikasi kuni» tadbirlari tashkil etildi.

O'zbekiston Respublikasi IIVning 2017 yilgi 151-sonli buyrug'i talablari asosida, voyaga yetmaganlar tomonidan xuquqbuzarlik va jinoyatchilikni oldini olish, bolalar qarovsizligiga barxam berish, ijtimoiy muxofazasini ta'minlash maqsadida hamda nazoratsiz qolgan bemaqsad yurgan voyaga yetmaganlarni aniqlash borasidagi "Davomat", "O'quvchi", "Tig'" va "O'smir" profilaktik tadbirlarini o'tkazilib, farzandlari tarbiyasiga salbiy ta'sir ko'rsatuvchi ota-onalarni aniqlanib va ularga nisbatan tegishli tartibda chora ko'rish yo'lga qo'yildi.

2023 yilda tumanda ro'y bergan va oldini olish mumkin bo'lgan jinoyatlarning 11,1 foizi tuman markazida joylashgan Oqqo'rg'on MFY, Markaz MFY va Eskimarkaz MFYlar hududlariga, ayniqsa shu uchala mahalla hududida joylashgan Baliqchi dexqon bozori hududiga to'g'ri kelmoqda. Bejizga ushbu mahallalar "qizil toifa"dagi mahallalar ro'yhatiga kiritilmagan. Joriy yilda jinoyatchilikni kamaytirish va ushbu uchta mahallalar, ya'ni Oqqo'rg'on MFY, Markaz MFY va Eskimarkaz MFYlar hududlarini jinoyatdan holi "yashil" toifadagi mahallalar ro'yhatiga kiritishdir. Buning uchun "Baliqchi dehqon bozori" hududiga zamonaviy kuzatuv kameralari o'rnatilishi orqali erishish mumkin. Xalq deputatlarining tuman Kengashi sessiyasida ushbu hududga kamera o'rnatish bo'yicha masala kiritilmoqda.

Bundan tashqari chet davlatlarga ishlash uchun chiqib ketgan hamda odam savdosidan jabr ko'rgan fuqarolar bilan tuman IIB, Yoshlar ittifoqi tuman kengashi, ta'lim muassasalari, "Mahalla" xayriya jamoat fondi, ma'naviyat va ma'rifat markazi tuman bo'limi tomonidan o'zaro hamkorlikda 12 marotaba uchrashuvlar o'tkazildi.

Baliqchi tumani 3-sektor hududida jami 15 ta MFY, 9780 ta xonadon, 13158 ta oila, 48627 nafar aholi istikomat qiladi. Shulardan erkaklar 23530 nafarni, ayollar 25097 nafarni tashkil etadi. Hududimda 16 ta maktab, 1 ta DIMI, Davlat MTT 11 ta, 4 ta jome' masjidi, 1 ta sog'liqni saqlash muassasalari mavjud.

Baliqchi tumani 3-sektor hududiga kiruvchi jami 15 ta MFYlar 2023 yilning 12 oy yakunlari bo'yicha 87.2 reyting ball bilan viloyat miqyosida "yashil" toifadagi sektor sirasiga kiritilgan. Ijtimoiy profilaktika yo'nalishida

3-sektor xududidan kelib tushib, virtual qabulxonalar orqali kelgan jami 95 ta murojaatlar o'rganib chiqildi va 95 ta murojaatlarning barchasi ijobiy xal etildi.

Sektor raxbarining maxallalarda o'tkazilayotgan "Sayyor qabullari" davomida jami 1476 nafar fuqarolar qatnashgan bo'lib, ulardan jami 200 ta murojaatlar kelib tushgan va 196 tasi ijobiy xal etilib, 4 tasiga tushuntirishlar berilgan.

Bundan tashqari sektor raxbarining Yoshlar bilan o'tkazilayotgan "Yoshlar uchrashuvi"lari davomida 940 nafar yoshlar ishtirok etishgan bo'lib, ulardan jami 134 ta murojaatlar kelib tushgan va 132 tasi ijobiy xal etilib, 2 tasiga tushuntirishlar berilgan.

3-sektor xududidagi 24155 nafar xotin-qizlarning 1447 nafari "Ayollar daftari"ning 4-bosqichiga kiritilgan. 2024 yil yanvar xolatiga "Ayollar daftari"ga kiritilgan 1409 nafar (98%) xotin qizlarga yordamlar ko'rsatilib daftardan chiqarish choralari ko'rilgan. Xususan, 845 nafari bandligini taminlash orqali, 49 nafariga imtiyozli kredit ajratish orqali, 14 nafari uy-joyini ta'mirlash, 232 nafari tibbiy yordam ko'rsatish, 175 nafariga bir martalik yordamlar ko'rsatish orqali daftardan chiqarilgan.

Bugungi kunga qadar sektor xududidagi ijtimoiy ximoyaga muxtoj yoshlarning jami 423 nafari "Yoshlar daftari"ga kiritilgan va shu kunga qadar 290 nafar yoshlarga jami 376 278 025 so'm miqdorda mablag'lar ajratilib turli xildagi yordamlar ko'rsatilgan, qolgan 133 nafar yoshlarga ijtimoiy yordamlar ko'rsatish choralari ko'rib kelinmoqda.

Shuningdek sektor hududdagi ishsiz fuqarolarni bandligini taminlash maqsadida 856 nafar fuqarolarga 20 sotixdan yer ajratib berilib, 974 nafar ishsiz fuqarolarga 16 mlrd 831 mln imtiyozli kredit mablag'lari ajratilishi taminlandi.

Tabiiy gaz, gaz balon bilan ta'minlashda sektor rahbarining tashabbusi va tumangaz korxonasi bilan olib borilgan ishlar natijasida grafik asosida 15 mahalla kesimda rejaga ko'ra ortig'i bilan yetkazib berilishi ta'minlandi.

Aralxon, Matonat, Serquyosh, Oqqo'rg'on MFYlarida 586 dan ortiq xonadonlarda tabiiy gaz uskunalari texnik ko'rikdan o'tkazilishi ta'minlandi. MFYlar kesimda 4162 ta gaz balonlarga ega bo'lgan xonadonlarga grafik asosida suyultirilgan gaz to'lik etkazib berildi.

Fuqarolarni elektr energiya bilan ta'minlashda sektor xududida jami 222.3 km 10 kVli xavo tarmog'i bo'lib, xududda mazkur yo'nalishda axoliga uzluksiz elektr energiyasini ta'minlash bo'yicha bir qancha ishlar bajarildi.

Misol uchun, Afsona MFYda 65 ta, Ko'l MFYda 46 ta, Matonat MFYda 48 ta va Oqqo'rg'on MFYda 60 ta beton stolbalar o'rnatildi.

Sektor xududida 72 km umumiy foydalanishdagi asfalt qoplamali yo'llarda joriy ta'mirlash (asfaltlash, tekislash, yo'l chiziqlarini chizish va yo'l belgilarni qo'yish) ishlari olib borildi.

Yo'llarda xarakat xavfsizligini ta'minlash axoliga qulaylik yaratish maqsadida 34 ta turli darajadagi yangi yo'l belgilari o'rnatilishi va 115 dona yo'l belgilarini ta'mirlash ishlari bajarilgan.

Bundan tashqari Go'ravon MFYda 3,8 km, O'rtaqo'rg'on MFYda 3 km, Aralxon MFYda 4,2 km, Afsonada MFYda 2,8 km ichki yo'llar shag'allashtirildi.

Xudud axolisini ichimlik suvi bilan ta'minlash soxasida 15 ta maxallalar kesimida 76 km mavjud ichimlik suvi tarmog'i bo'lib, 6 ta mahalla kesimida 7 km dan ortiq masofaga toza ichimlik suvi tarmog'i tortilishi taminlandi.

O'zbekiston Respublikasi "Mahalliy davlat hokimiyati to'g'risida"gi Qounning 6- va 24-moddalariga asosan Xalq deputatlari tuman Kengashi

### **Q A R O R   Q I L A D I:**

1. Baliqchi tumani hududida 2023 yil yakuni bo'yicha tuman hududida jinoyat va huquqbuzarliklarni oldini olish va ularning profilkatikasi hamda 3-sektor hududida amalga oshirilgan ishlari yuzasidan tuman IIB boshlig'i I.D.M.Tojiboevning hisoboti ma'lumot uchun qabul qilinsin.

2. Tumandagi sektor rahbarlari, tuman Ichki ishlar bo'limi boshlig'i (D.M.Tojiboev), tuman hokimining o'rinbosari, oila va xotin-qizlar bo'limi (M.Xojimatova), Kambag'allikni qisqartirish va aholi bandligiga ko'maklashish bo'limi (Sh.Sattarov)larga:

- kelgusida tuman hududida jinoyatchilikka qarshi kurashish va huquqbuzarliklar profilaktikasi yo'nalishida yo'l qo'yilgan kamchiliklardan kelib-chiqib hududlardak jinoyat o'choqlarini aniqlash, ularning bartaraf etish bo'yicha aniq chora-tadbirlar belgilasinlar;

- O‘zbekiston Respublikasi Prezidenti Sh.Mirziyoev raisligida 2023 yil 28 iyul kuni Farg‘ona shahrida “hududlarda huquqbuzarliklarni oldini olish jinoyatchilikka qarshi kurashish hamda bu boradagi ustivor vazifalar” bo‘yicha o‘tkazilgan videoselekt yig‘ilishida berilgan topshiriqlar ijrosini ta‘minlash borasidagi ishlarni yanada jadallashtirish;

- mahallalarda huquqbuzarlik sodir etish va huquqbuzarliklardan jabrlanish ehtimoli yuqori bo‘lgan shaxslar bilan manzilli profilaktik tadbirlarni tizimli davom ettirish, bunda, mahalla fuqarola yig‘ini raisi, profilaktika inspektori, hokim yordamchisi, yoshlar yetakchisi, xotin-qizlar faoli hamkorligini yaxlit tizim asosida yo‘lga qo‘yish;

- har oyda kamida bir marta mahalla profilaktika inspektorlari bilan muloqot-uchrashuvlarini tashkil qilish;

- mahallalarda o‘tkaziladigan jinoyatlar muhokamalarida sektor rahbarlarining bevosita ishtirokini ta‘minlash, qonunbuzilishiga imkon beruvchi omillarni aniqlash, ularni bartaraf etish bo‘yicha aniq va manzilli chora-tadbirlarni ko‘rish;

- jinoyatchilikning ortishi natijasida “qizil” toifaga tushgan mahallalar Oqqo‘rg‘on MFY, Markaz MFY va Eskimarkaz MFYlar hududlarida joylashgan “Baliqchi dehqon bozori” hududiga hamda boshqa aholi va transport harakati gavjum bo‘ladigan hududlarga kuzatuv kameralari o‘rnatilishiga tavsiya berilsin;

- har haftaning payshanba kuni o‘tkaziladigan “huquqbuzarliklar profilaktikasi kuni” doirasidagi tadbirlarda mahalla beshligi, sektor rahbarlari va huquqbuzarliklar profilaktikasi sub’ektlarini faol jalb qilgan holda manzilli tushuntirish-targ‘ibot ishlari natijadorligini oshirish;

- uzoq vaqt davomida o‘zaro nizo va adovatda bo‘lib kelayotgan shaxslar bilan manzilli profilaktik tadbirlarni jadallashtirish va asosiy e‘tiborni ularni yarashtirishga qaratish;

- yoshlar o‘rtasidagi jinoyatlarni keskin kamaytirish uchun kompleks chora-tadbirlar ishlab chiqish;

- “Xavfsiz oila” tamoyili asosida ijtimoiy-maishiy muammosi hal bo‘lmagan oilalar bilan ishlash, sudlarda nizolashayotgan oilalar bilan manzilli ishlash bo‘yicha yagona idoralararo axborot tizimini ishga tushirish, nizoning mazmuni va undan kutilayotgan havflarning barvaqt oldini olish bo‘yicha

mahalla va ichki ishlar organlarini habardor qilish, tahliliy tavsiyalarni berish;

- ichki ishlar organlari sudlarning tavsiyasi asosida nizoli oilalarni o'rganib, himoya orderi orqali "oilabay" profilaktik choralarni ko'rishlari, sektor rahbarlari va mahalla raislari oilaning maishiy muammolarini xal etishda ularga yaqindan ko'maklashishi, tuman adliya bo'limi nizolashayotgan oila bilan manzilli konsultatsiya o'tkazib, malakali huquqiy yordam berilishini ta'minlashlari belgilansin;

3. Baliqchi tumani Ichki ishlar bo'limi boshlig'i, 3-sektor rahbari (D.M.Tojiboev)ga, xalq deputatlari tuman Kengashining tegishli doimiy komissiyalariga:

- aholini, xotin-qizlarni, yoshlarni va tadbirkorlarni qiynab kelayotgan muammolarni aniqlash va hal qilish uchun ular bilan muntazam uchrashuvlarni hamda sayyor qabullarni tashkil etsin;

- 3-sektor rahbari tomonidan sektorni ijtimoiy-iqtisodiy rivojlantirish borasida amalga oshirayotgan ishlari bo'yicha doimiy nazorat o'rnatib, amalga oshirilayotgan ishlar bo'yicha axborotlar olib borilsin;

- fuqarolarni, ayniqsa ayollar va voyaga yetmagan yoshlarni o'z joniga qasd va suiqasd qilishini oldini olish maqsadida fuqarolarning o'zini o'zi boshqarish organlari, huquqni muhofaza qiluvchi idoralar, ta'lim va sog'liqni saqlash muassasalari hamda hokimliklar huzuridagi voyaga yetmaganlar ishlari bo'yicha komissiyalari bilan hamkorlikda ish olib borilsin;

- "Saxovat va ko'mak" jamg'armasidan ajratilayotgan mablag'larni hamda maxsulotlarni extiyojmand oilalarga berilishida manzilli ro'yxatini adolatli shakllantirilishi doimiy nozoratga olinsin;

- sektor xududidagi mahalla fuqarolar yig'inlarida istiqomat qiluvchi ish bilan ta'minlanmagan fuqarolarni ayniqsa yoshlar va ayollarni tegishli tashkilotlar bilan hamkorlikda ish bilan ta'minlash choralari ko'rib borilsin;

- sektor xududida yangi ishlab chiqarish korxonalarini, xususiy sektorlarni tashkil qilish maqsadida tadbirkorlik qilish istagini bildirgan tashabbuskorlarni aniqlash va ularga amaliy yordamlar berib borilsin.

4. Tuman Kengashining deputatlariga:

- tuman Ichki ishlar bo'limi boshlig'i va ma'sul xodimlari bilan



birgalikda tuman hududida xuquqbuzarliklar pofilaktikasini ta'minlash, jinoyatchilikka qarshi kurashish, terrorchilik-qo'poruvchilik harakatlarini oldini olish, jamoat tartibi va fuqarolar xavfsizligini ta'minlash bo'yicha hamkorlikda ishlar olib borilsin;

5. Tuman hokimligi matbuot hizmati (M.Karimov), "G'alaba" gazetasi bosh muharriri (Sh.Karimova)ga xududda amalga oshirilayotgan ishlarni hamda aholining huquqiy ongi va huquqiy madaniyatini oshirishga qaratilgan chora-tadbirlarni izchil bajarilishi, huquqbuzarlik va jinoyatchilikka qarshi kurash, qonunbuzilishlarni oldini olish bo'yicha amalga oshirilayotgan ishlarni ijtimoiy tarmoqlarda gazeta sahifalarida keng yoritib borish tavsiya etilsin.

6. Mazkur qarorning bajarilishini nazorat qilish Xalq deputatlari Baliqchi tumani Kengashi "Sud-huquq masalalari va korrupsiyaga qarshi kurashish bo'yicha doimiy komissiya"si (X.Abdullaeva) zimasiga yuklatilsin.

**Xalq deputatlari Baliqchi  
tuman Kengashi raisi**



**J.Abdurayimov**